

PSB - Bahagian Arkib

From: Unit Komunikasi Korporat
Sent: Sunday, 25 February, 2018 3:26 PM
To: UUM - All Staff; UUM - All Students
Subject: Tanda Prihatin GSGSG, UMW GRANTT, SOIS, IBMS



Unit Komunikasi Korporat
CORPORATE COMMUNICATION UNIT
Universiti Utara Malaysia

25 FEBRUARI 2018 / 9 JAMADILAKHIR 1439H

"UUM : UNIVERSITI PENGURUSAN TERKEMUKA"
(THE EMINENT MANAGEMENT UNIVERSITY)

Oleh: Siti Fatimah Abdullah
Gambar oleh: Abdul Halim Husain

TANDA PRIHATIN GSGSG, UMW GRANTT, SOIS, IBMS



UUM ONLINE: Ikatan silaturahmi terjalin mesra dalam suasana meriah penuh kasih sayang antara warga kampus bersama penduduk dalam program khidmat masyarakat Setulus Hati di sekitar Perkarangan Masjid Kg. Darat, Changlun, baru-baru ini.

Program ini merupakan anjuran Ghazali Shafie Graduate School Of Government (GSGSG) UUM dengan kerjasama UMW GRANTT, Pusat Pengajian Antarabangsa (SOIS) dan International Business Management Society (IBMS).

Pensyarah, Dr. Mohd Haniff Jedin berkata, staf UUM berpeluang menabur bakti dan memberi khidmat kepada orang kampung di samping melahirkan perasaan prihatin dan simpati ke atas kesusahan masyarakat dengan menyerlahkan semangat kesukarelawan.


“Program ini amat baik sebagai tanda prihatin dalam mengeratkan hubungan untuk memberi pendedahan dan pengalaman secara langsung kepada staf juga boleh mengenali sekitar kawasan mereka bekerja dan menimba ilmu.

“Selain bergotong-royong bersama penduduk dan menyelami kehidupan mereka kami turut memberi sumbangan barang keperluan kepada mereka yang memerlukan sekali gus memberi kesedaran bahawa silaturahmi amat penting dalam menyatukan masyarakat,” ujarnya.

Manakala seorang penduduk, Ibrahim Arifin menyambut baik usaha yang mendapat sambutan menggalakkan daripada penduduk dalam aktiviti yang dijalankan seperti penyampaian sumbangan, suaikenal Bersama Masyarakat Setempat, memasak serta menjamu selera dalam suasana kekeluargaan.

“Alhamdulillah keprihatinan UUM terhadap masyarakat yang susah sedikit sebanyak meringankan beban dan memberi keceriaan kepada penduduk.

“Program sebegini perlu diteruskan pada masa akan datang dan berharap hubungan yang sudah terjalin akan berpanjangan serta ada kesinambungan supaya hubungan dengan masyarakat dengan UUM dieratkan dari semasa ke semasa,” katanya.



Universiti Utara Malaysia Official Website <http://www.uum.edu.my>

Disclaimer: This e-mail (including any attachments) may contain confidential information. If you are not the intended recipient, you are hereby notified that any review, distribution, printing, copying or use of this e-mail is strictly prohibited. If you have received this e-mail in error, please notify the sender or Universiti Utara Malaysia (UUM) immediately and delete the original message. Opinions, conclusions and other information in this e-mail that do not relate to the official business of UUM and/or its group of companies shall be understood as neither given nor endorsed by UUM and UUM accepts no responsibility for the same. All liability arising from or in connection with computer viruses and/or corrupted e-mails is excluded to the fullest extent permitted by law.